

U G O V O R
O SERVISIRANJU MOTORNIH VOZILA I ISPORUCI
ORIGINALNIH DIJELOVA ZA SERVISIRANJE VOZILA MARKE LADA

zaključen dana 01.02.2016. godine između:

A. SOR AUTOSERVIS "DEAS" vl. Esad Delić, 71320 Vogošća, ul. Igmanska br. 10
(u daljem tekstu: Izvršilac)

i

B. KANTON SARAJEVO, Stručna služba za zajedničke poslove
Reisa Džemaludina Čauševića br. 1. Sarajevo
koga zastupa **Fikret Jašarević**
(u daljem tekstu: Naručilac)

Član 1.

Predmet ovog Ugovora je vršenje servisnih usluga, popravka motornih vozila i prodaja originalnih dijelova vozila iz proizvodnog program marke **LADA**, po važećem cjenovniku i normativnima izvršioca, a u skladu sa uslovima ponude Izvršioca broj: 1 od 04.01.2016. godine, zaprimljene pod brojem: 17-14-256 od 06.01.2016. godine (LOT 3).

Član 2.

Izvršilac se obavezuje da će:

- a) stručno i kvalitetno obavljati servisne usluge i popravke motornih vozila Naručioca u garantnom i vangarantnom roku,
- b) u roku od 24 sata od momenta dopremanja motornog vozila u servis uzeti u rad,
- c) na svom lageru obezbijediti neophodne rezervne dijelove za servisiranje vozila uz prethodno dostavljenju specifikaciju Naručioca,
- d) sve servisne intervencije i opravke vozila Naručioca vršiti u skladu sa planom održavanja vozila, odnosno prema uputama proizvođača istih.

Član 3.

Naručilac se obavezuje da će se pridržavati plana održavanja vozila, odnosno uputa proizvođača istih, uključujući primjedbe Izvršioca.
Naručilac se obavezuje da neće koristiti usluge drugih servisa sa područja Kantona Sarajevo za popravak i održavanje svojih vozila osim u slučajevima kada drugačije nije moguće.

Član 4.

Izvršilac se obavezuje da će se pridržavati svih garantnih uvjeta proizvođača vozila u skladu sa ugovorom.

Član 5.

Izvršilac se obavezuje da će sljedeće servisne intervencije izvršiti **odmah**, odnosno bez prethodne najave Naručioca i to:

- zamjena akumulatora,
- zamjenu metlica brisača,
- opravka ispušnog sistema,
- zamjena kočionih obloga,
- zamjena sijalica, kao i druge servisne intervencije koje ne zahtijevaju dugo vremensko zadržavanje.

Naručilac se obavezuje da redovne servise, koji su predviđeni u servisnim knjigama i uputstvima za upotrebu vozila koje preporučuje proizvođač, neće tretirati kao hitne i za njih neće tražiti izvršenje bez prethodne najave.

Član 6.

Izvršilac će cijenu obavljene usluge iz člana 1. ovog Ugovora obračunavati na osnovu specifikacije urađenih poslova, utrošenog materijala i ugrađenih dijelova po slijedećem cjenovniku:

1. **MEHANIČAR** (radni sat / norma sat)..... 21,06 KM (sa PDV-om i uračunatim popustom na cijenu od 10 %),
2. **ELEKTRIČAR** (radni sat / norma sat)..... 21,06 KM (sa PDV-om i uračunatim popustom na cijenu od 10 %),
3. **LIMAR** (radni sat / norma sat) 21,06 KM (sa PDV-om i uračunatim popustom na cijenu od 10 %),
4. **LAKIRER** (radni sat / norma sat) 21,06 KM (sa PDV-om i uračunatim popustom na cijenu od 10 %).

Za sve vrste servisnih usluga motornih vozila iz proizvodnog program marke **LADA**, Izvršilac će se **pridržavati cjenovnika rezervnih dijelova** koji je dostavljen u ponudi broj: 1 od 04.01.2016. godine, zaprimljenoj pod brojem: 17-14-256 od 06.01.2016. godine (LOT 3).

Za sve izvršene usluge Izvršilac odobrava rabat od 10%, a za ugrađene originalne rezervne dijelove Izvršilac odobrava popust u iznosu od 10 %.

Član 7.

Ugovorne strane su saglasne da rok plaćanja iznosi **90 (devedeset) dana** od dana izdavanja računa.

Naručilac se obavezuje da neće stvarati nove materijalno-finansijske obaveze ukoliko je rok za plaćanje prethodnog računa istekao.

Član 8.

Ugovor stupa na snagu danom potpisivanja i važi do 31.12.2016. godine, uz mogućnost produženja za još jednu godinu pod istim uvjetima. Uslov za produženje Ugovora je saglasnost ugovornih strana.

Član 9.

Garantni rok na izvedene radove i ugrađene originalne dijelove iznosi 12 (dvanaest) mjeseci.

Član 10.

Svaka ugovorna strana može jednostrano pokrenuti proceduru za raskid ovog Ugovora ako druga ugovorna strana ne izvršava obaveze preuzete ovim Ugovorom uz otkazani rok od 30 dana (računajući rok od dana prijema otkaza).

Član 11.

Ugovorne strane su saglasne da će sve eventualne sporove u vezi izvršavanja ovog Ugovora nastojati da riješe sporazumno, a u slučaju nemogućnosti rješenja spora sporazumno ugovorne strane su saglasne da je nadležan sud u Sarajevu.

Član 12.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 13.

Ugovor stupa na snagu danom obostranog potpisivanja od strane ovlaštenih lica ugovornih strana.

IZVRŠILAC
SOR AUTOPRAONICA "DEAS"


Vi. Esad Delić

Datum: 01.02.2016
Broj: _____

NARUČILAC
KANTON SARAJEVO
Stručna služba za zajedničke poslove


Fikret Jašarević

Datum: 01.02.2016. godine
Broj: 17-14-30475-33

